

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔԸ

Ընդունված է 2014 թվականի նոյեմբերի 20-ին

**ՍԱՀՄԱՆԱՄԵՐՁ ԲՆԱԿԱՎԱՅՐԵՐՈՒՄ ԻՐԱԿԱՆԱՑՎՈՂ
ԳՈՐԾՈՒՆԵՈՒԹՅՈՒՆԸ ՀԱՐԿԵՐԻՑ ԱԶԱՏԵԼՈՒ ՄԱՍԻՆ
(վերնագիրը փոփ. 24.11.15 ՀՕ-141-Ն, 21.12.17 ՀՕ-297-Ն)**

Հոդված 1. Սույն օրենքը կարգավորում է Հայաստանի Հանրապետության կառավարության հաստատած ցանկում (այսուհետ՝ Ցանկ) ներառված՝ մարտական գործողությունների հետեւանքով չօգտագործվող հողատարածքներ ունեցող սահմանամերձ բնակավայրերում իրականացվող գործունեությունը հարկերից ազատելու հետ կապված հարաբերությունները:

(1-ին հոդվածը փոփ. 24.11.15 ՀՕ-141-Ն, 21.12.17 ՀՕ-297-Ն)

Հոդված 2. Սույն օրենքի իմաստով սահմանամերձ բնակավայրերում իրականացվող գործունեություն է համարվում Ցանկում ներառված բնակավայրերի վարչական սահմաններում՝

1) առետրի օբյեկտների, առետրի իրականացման վայրերում վաճառատեղերի միջոցով բնակչությանը մանրածախ վաճառքի (առք ու վաճառքի) իրականացման գործունեությունը.

2) տնտեսական գործունեության շրջանակներում արտադրության կազմակերպումը՝ անկախ այն հանգամանքից, թե որտեղ է իրացվում

պատրաստի արտադրանքը՝ Ցանկում ներառված սահմանամերձ բնակավայրերի վարչական սահմաններում, թե դրանցից դուրս.

3) Հայաստանի Հանրապետության հարկային օրենսգրքով (այսուհետ՝ Օրենսգրքով) սահմանված՝ արտոնագրային հարկով հարկման օբյեկտ համարվող գործունեության իրականացումը, բացառությամբ թեթեւ մարդատար մեքենայով ուղեւորափոխադրումների, ավտոբուսով եւ (կամ) միկրոավտոբուսով ուղեւորափոխադրումների, տոտալիզատորների, ինչպես նաեւ ինտերնետ տոտալիզատորների կազմակերպման:

(2-րդ հոդվածը փոփ. 24.11.15 ՀՕ-141-Ն, փոփ., խմբ. 21.12.17 ՀՕ-297-Ն)

(2-րդ հոդվածը 21.12.17 ՀՕ-297-Ն օրենքի 2-րդ հոդվածի 2-րդ կետի լրացմամբ ուժի մեջ կմտնի 01.07.2018թ.)

Հոդված 3. Ցանկում ներառված սահմանամերձ բնակավայրերում իրականացվող գործունեությունը հարկերից ազատելու արտոնությունների կիրառությունը նշանակում է, որ՝

1) այդ բնակավայրերի վարչական սահմաններում գտնվող առետրի օբյեկտների, առետրի իրականացման վայրերում վաճառատեղերի միջոցով բնակչությանը մանրածախ վաճառքի (առք ու վաճառքի), ինչպես նաեւ հանրային սննդի ոլորտում իրականացվող իրականացման գործունեությունից եկամուտներն ազատվում են շրջանառության հարկից, իսկ այդ գործունեությունն իրականացնող եւ շրջանառության հարկ վճարող համարվող անհատ ձեռնարկատերերն ազատվում են ձեռնարկատիրական գործունեության համար օրենքով նախատեսված շահութահարկից.

2) տնտեսական գործունեության շրջանակներում արտադրության (բացառությամբ ակցիզային հարկով հարկման ենթակա ապրանքների արտադրության) կազմակերպման արդյունքում ստացված արտադրանքի՝

- ա. իրացումից եկամուտներն ազատվում են շրջանառության հարկից,
- բ. օտարման գործարքներն ազատվում են ավելացված արժեքի հարկից,
- գ. իրացումից ստացման ենթակա եկամուտներն ազատվում են շահութահարկից.

3) Օրենսգրքով սահմանված՝ արտոնագրային հարկով հարկման օբյեկտ համարվող գործունեությունը, բացառությամբ թեթեւ մարդատար մեքենայով ուղեւորափոխադրումների, ավտոբուսով եւ (կամ) միկրոավտոբուսով ուղեւորափոխադրումների, տոտալիզատորների, ինչպես նաեւ ինտերնետ տոտալիզատորների կազմակերպման գործունեության տեսակների, ազատվում է արտոնագրային հարկից, եւ արտոնագրային հարկից ազատված գործունեության մասով արտոնագիրը տրամադրվում է Օրենսգրքով սահմանված կարգով առանց արտոնագրային հարկի վճարման.

4) կազմակերպություններն ու անհատ ձեռնարկատերերն ազատվում են Ցանկում ներառված սահմանամերձ բնակավայրերում իրականացվող գործունեության մասով Հայաստանի Հանրապետության օրենքներով նախատեսված դեպքերում, որպես հարկային գործակալ, հարկը հաշվարկելու, պահելու եւ պետական բյուջե փոխանցելու պարտավորությունից, բացառությամբ հարկային գործակալի կողմից վճարվող՝ աշխատանքի վարձատրությանն ուղղվող միջոցներից եւ դրանց հավասարեցված եկամուտներից օրենքով սահմանված ընդհանուր կարգով հաշվարկվող եկամտային հարկի եւ սոցիալական վճարի:

(մասն ուժը կորցրել է 21.12.17 ՀՕ-297-Ն)

(մասն ուժը կորցրել է 21.12.17 ՀՕ-297-Ն)

(մասն ուժը կորցրել է 21.12.17 ՀՕ-297-Ն)

(3-րդ հոդվածը փոփ., լրաց. 24.11.15 ՀՕ-141-Ն, փոփ. 21.12.17 ՀՕ-297-Ն, լրաց. փոփ., խմբ. 21.12.17 ՀՕ-297-Ն)

**Հողված 4 Կազմակերպություններն ու անհատ ձեռնարկատերերը
Ցանկում ներառված սահմանամերձ բնակավայրերում
իրականացվող գործունեության մասով պարտավոր են՝**

1) Օրենսգրքով սահմանված կարգով վարել հարկման ոչ ենթակա եւ հարկման ենթակա գործունեության տեսակների կամ գործարքների մասով ձեւավորվող հարկման օբյեկտների, հարկման բազաների, Օրենսգրքով սահմանված նվազեցումների, հաշվանցվող (պակասեցվող) գումարների առանձնացված հաշվառում, իսկ եթե առանձնացված հաշվառում վարելը հնարավոր չէ, ապա հարկման օբյեկտները, հարկման բազաները, հարկի գումարները, Օրենսգրքով սահմանված նվազեցումներն ու հաշվանցվող (պակասեցվող) գումարները (այն մասով, որ մասով առանձնացվող հաշվառում վարելը հնարավոր չէ) հաշվարկվում են Օրենսգրքով սահմանված տեսակարար կշիռների մեթոդով՝ համախառն եկամտի մեջ Ցանկում ներառված սահմանամերձ բնակավայրերում իրականացվող գործունեության մասով հաշվարկված համախառն եկամտի տեսակարար կշիռն համապատասխան.

2) վարել Օրենսգրքով եւ վճարների վերաբերյալ Հայաստանի Հանրապետության օրենքներով սահմանված հաշվառում, իսկ օրենսդրությամբ սահմանված դեպքերում՝ նաեւ հաշվապահական հաշվառում, ապրանքի մատակարարման, աշխատանքի կատարման եւ (կամ) ծառայության մատուցման գործարքների մասով դուրս գրել Օրենսգրքով սահմանված համապատասխան հաշվարկային փաստաթղթեր: Օրենսգրքով եւ վճարների վերաբերյալ Հայաստանի Հանրապետության օրենքներով սահմանված կարգով եւ ժամկետներում հարկային մարմին ներկայացնել հարկային հաշվարկները.

3) կատարել Օրենսգրքով եւ վճարների վերաբերյալ Հայաստանի Հանրապետության օրենքներով, ինչպես նաեւ հարկային մարմինն հսկողության լիազորություններ վերապահող այլ իրավական ակտերի պահանջները:

(4-րդ հոդվածը փոփ. 24.11.15 ՀՕ-141-Ն, խմբ. 21.12.17 ՀՕ-297-Ն)

Հոդված 5.

(հոդվածն ուժը կորցրել է 21.12.17 ՀՕ-297-Ն)

Հոդված 6. Սույն օրենքն ուժի մեջ է մտնում 2015 թվականի հունվարի 1-ից:

Հայաստանի Հանրապետության

Նախագահ

Ս. Սարգսյան

2014 թ. դեկտեմբերի 9

Երևան

ՀՕ-156-Ն